

## **Ehuhuo-Ozi Ibuzo Pita De Pita, Nke Ibuzo**

<sup>1</sup> Mmẹ wu Pita hun wu onye-ozì pu-ichèn Jesu Kristi de ehuhuo-ozini jenni ndi nke Osolobue rileni ulo, hun risonme ali ichen-ichen ri Azuun Pontusu le Galeshia le Kapadosia le Eshia le Bitinia—

<sup>2</sup> ndi Chuku Nedi hoto hun Mmon-nso don nso—keni we hun uzọ humeni Jizosi Kraisti isi, leni we wuru ndi we fekpu edeke e—a ri we ochan. Efoma le udon ya ri ni onu mmagi-mmagi.

### *Olile-nya Hu Ri Ndun*

<sup>3</sup> Ojija-mma ya ri ni Osolobue, hun wu Chuku le Nedi Onye-nwonni-enyi wu Jizos' Kraisti! O giguọ oken omiken e mudonzi enyi, mu enyi ye ime olile-nya ohun ri ndun. O me ihienni ebe o no gha onwun weni Jizosi.

<sup>4</sup> O meguo enyi wuru nwan ndi k'e nwehen ihien ndi hun o donmetoni enyi, ihien ndi hun ghaleni e rehi mobu a ruhu mobu a fapu. O buguọ ihien ndini toni unu ime elu-igwee.

<sup>5</sup> O gi nwan iken o gi wuru Osolobue e cheme unu, ghahani okukwe onu, keni nzuofuha hu o kwademegu, hun lalani ogugu-ogen, hun uzọ ru onu aka.

### *Osolobue Gi Afunfun E Lele Okukwe*

6 Ihienni Osolobue me ri nwan e me unu a ghoghoh—osun'a ni we ri nwan e gi afunfun ri ichen-ichen e lele unu ekere ogen,

7 Igi ghosi ni okukwe unu wu nke ezigbo e. Eriira ke we e gi okun e lele goru makeni o ri mkpa—goru hun e wiwini! Bu okukwe unu ka goru mkpa a ri, ka a ohunma-ohunma! Ya wu, o rika mkpa ni we lele okukwe unu, keni ogen Jizosi k'e gi bia, a ja we unu mma, yezikwo unu ogho le mgbaye;

8 Jizosi hun ihien e ri a suo unu—osun'a ni unu e ke leghatu e; unu kwerin'e—o sun'a ni unu ari nwan e legha a kikenni. Ohun e me unu a ghoghoh oda-oda—oken ighoghoh onu ghaleni a saeka a kowa!

9 Unu a ghoghoh enina makeni unu hu e nwonen erere ri okukwe unu—ya wu, we hu a zuopuha umen-dun unu.

10 Nke nzuopuhani, ndi-amuma hun Osolobue gi ku oku efoma hun jenkoh d'e ru onu eka te chokenme ali a, donrin enya leban a enya ebe we n'a cho ni we ghoha a.

11 We hu a ju enwen we ihien Mmon Kraisti ri ime we ri e ku oku e ogen o gi gwato we afunfun Kraisti k'a ta le ogho k'e son n'e—a ju enwen we onye o ri e ku le ogen o gi jenkoh d'e gi me.

12 Osolobue no ghosi we ni ele ifiri we le enwen we ke we gi e ku ihien ndi ahun we ku, kani, ifiri unu. Unu a nuguo nwan ihien ndi hu. Onu ndi ahun weheni unu ozioma ke unu gha nu we. Iken Mmon-nso ahun Osolobue gha enu-igwee zihwe ke we gi zi unu ya wu ozioma. Ndi mmon-ozini nke a chokade ni we leghade ihien ndini!

*We Kpo Unu D'e Bi Obibi Ri Nso*

13 Ya wu, konrin ni nwan orun ime obi unu, e donrin enya e bi; buchanrin ni olile-enya unu che ngozi hu Jesu jenko d'e gi efoma a weheni unu—ogen o k'e gi bia.

14 Leke ezigbo umu hun e hume isi, emezile ni ihien ndi hu te ri a gun unu ogen unu keleni marin Jizosi.

15 Kama, obibi unu ya richanrin nsọ ụzọ ile nọke ke Osolobue hun kpọ unu don ri nsọ.

16 Make ni Ekukwo-nsọ si, “Ri ni nsọ, make ni mme nwen ri nsọ.”

17 Ebe o me ni Osolobue hun ghaleni egbeyeni onye owule ke unu a kpọ Nedi unu—Osolobue hun e gi ihien onye-onye me e kin e ikpe—gikwo ni nwan egun e bichanrin ogenni hoduni unu k'e bi elu-uwani unu wu itumunye.

### *Kę Wę Dọn Gbapuha Enyi*

18 Unu a maringwo ke Chuku don gbapuha unu ime obibi-eti hu unu gha eka ndi muni unu nwehen; ni ele ihien e wiwini rike eghe ona (siva) mobu goru—ke we gi gbari unu,

19 kani, edeke hun rikem me mkpa—edeke Kraisti, hun ri ke nwa-ebulu ehụ a zu oke nwonleni orusi.

20 Osolobue a hotogwo a ni Osolobue d'e ke uwa, o ru ogen ikpazunni, o no nwan wepuha a ifonrin-ifon make orinimma unu.

21 Unu a ghagwo nwan eka Kraisti bia d'e gi Osolobue don enya, Osolobue hun gha onwun weli Kraisti, ye Kraist' ogho. Ya wu ni Osolobue ke unu kwerini; Osolobue ke unu ri e lee enya.

### *Onye Wę Gbafuha Nke-esi E Nwe Ezigbo Ihien-qsuswo*

22 Hụnni unu chanchanguu nwan ume-ndun onu ghahani igbaye ezioku Osolobue, ihien onu ile kwerini k'a sa nwan eka a sọtari ibe onu. Ya wu, gi ni nwan akpakali-obi unu e nwe ihien-osusuo ibe unu.

23 Unu a wuruguo ndi we mudonzi. Ele mkpuru we gha a mu ihian hun a nwunni ke Osolobue gha mundonzi unu, kama, mkpuru ghaleni a nwun ke we gha mu unu. Mkpuru ahun wu oku Osolobue—oku ri ndun, hun a to jenin ejen.

24 Make ni, Ehuho-nsọ si,  
 “Ihian ile nohu ke efifia;  
 ogho ile ihian nwon nohu ke obobo efifia.  
 Efifia shinwun, obobo a danpu!

25 Kani, oku Onye-nwonni-enyi  
 jenko d'e turu jenin ejen!”  
 Oku hu wu ozioma hu we zi unu.

## Isi Nke Ebuo

### *Omuma Hu Ri Ndun Le Ebon Hu Ri Nso*

1 Ya wu, wepu ni nwan udi eje-ihien ile ihian gi e son ibe e, ero ile, ihunnai, iwe-nya le nkuto ile.

2 Rike umu we mu nke ohun, a ni ni ekpiri mirin-eran ime-mmom hun ri ochan a do unu—keni unu hun uzọ a ra a, e gi e e sue ime nzuopuha unu, d'e ru isi e,

3 o me nwan ni ezioku ro ni unu a danminguo efoma Di-nwonni-enyi, hun a ni Di-nwonni-enyi ri mma.

4 Unu a biaguo nwan d'e kunrun e: omuma hun ri ndun—hun ihian ju; kani omuma we hori ahori, ri oken mkpa, k'o wu nya Osolobue.

<sup>5</sup> Ime e, onye-onye ime unu wuzikwo omuma ri ndun. Noke omuma ndi ri ndun, o hu e gi unu a tun ulo ime-mmom, keni unu hun uzọ wuru ndi nchuejan ri nsọ, hun gha eka Jizosi Kraisti a chu ejan ime-mmom hun Osolobue a nabanhan.

<sup>6</sup> Makeni, Ehuhuo-nsọ e kuguu a, si,  
 “Lee n’e, m ri e buto omuma ime obodo Zayonu,  
 omuma gin’e;  
 omuma m hori ahori, rikememkpa.  
 Ifenren emeko onye hun kwerini n’e.”

<sup>7</sup> Ya wu, omuma hu ri unu mkpa oda-oda—unu ndi kwerini; kani nke ndi hun kwerileni—  
 “Omuma ndi ri a tun unọ juto,  
 a wuruole hun gi ulo!”

<sup>8</sup> O wuruguzi  
 “Omuma w’a kpogburu;  
 nkume a han we a dan.”  
 Makeni agbayeni we oku hu, ya hain we gi kpogburu—ke we don deto ni we ya.

<sup>9</sup> Kani, unu nwen wu agbo Chuku hori ahori; ndi nchuejan Eze; ebom ri nsọ; ndi nke Osolobue—keni onu hun uzọ e me onye owule a marin oken orun ri ichen-ichen Osolobue runsomem, Osolobue hun kpopuha onu ime ishi bu unu che ime ukpe e rigbu enwen e mma.

<sup>10</sup> Ogen mbu, unu “ele ndi nke Osolobue”, kani, unu a wuruole nwan ndi nke e; mbu, “omiken e eruni unu eka”, kani omiken e e ruguo nwan unu eka.

### *Enyi Wu Igbon Osolobue*

<sup>11</sup> Ndi ri m obi, m ri a rito unu noke ndi obia le ndi rileni ani we, gbala ni ni egun ndi hun a gunsomeme ihian hun a luson umem-ndun unu agha.

12 E bi ni obibi kuru-oto ime igunrun ndi ali ndi ozo ri ichen-ichen kwerileni; keni, osuon'a ni we e kuja oku unu noke si unu e me eje-ihien, we k'a gha a hun obibi-oma unu—e gi w'e ye Osolobue ogho ogho o k'e gi bia.

### *A Gbaye Ni Ndi Ri A Kini*

13 Gi ni ifiri Di-nwonna-enyi e hume ni ndi ile ri a kini isi—ke eze, hun wu onye-isi ndi okiki,

14 ke ndi Gwanọ ri Azuun ichen-ichen a ki—noke ndi eze zi d'e ye ndi e me eje-ihien afunfun, a ja ndi me ihien ri mma mma.

15 Makeni uche Osolobue wu ni unu gi ime ihien furuni kpukin ndi-nzuzu ri e ku ihien we marinleni onu;

16 e me n'e ke ndi wulen igbon makeni unu e nwenringuo enwen unu; ka egikwole ni inwonnin-enwen unu kpu enya, e me eje-ihien, ka bi ni ke ndi wu igbon okpuru Osolobue.

17 A gbaye ni ihian ile; e nwe ni ihien-osusu ndi Itu-Kraist' ibe unu; a tu ni egun Osolobue; a gbaye ni eze.

### *E Leri Ni Afunfun Kraisti Ta*

18 **Ndi wu idibo mọbu igbon**, e weluachanrin ni enwen unu ali ebe ndi unu ri okpuru we ri, a gbaye we uzo ile—ele ndi-efoma le ndi eka-aluluwa suo, kani ke ndi eka-iken.

19 Makeni, ihien w'e gi ja i mma ro omeni y'e meni eje-ihien, e ye we i afunfun furulen ni we ye i bu y'e gi ifiri Osolobue dingbu ufu a.

20 Ki wu erere i n'i dingbu ili we gbu i, omeni eje-ihien i me ke we gi gbu i ya wu ili? Kani, omeni y'a

ta afunfun makeni i me ihien ri mma, bu y'e digbu e, Osolobue k'e gi ifiri e gozi i.

<sup>21</sup> Ya ke we kponi unu; makeni Kraisti tazikwo ni onu afunfun, lato ni onu ihien unu e leri, keni onu hun uzo e son nzom'uku a.

<sup>22</sup> O metuni njo;  
oku-ndufie aghatun'e onu puha.

<sup>23</sup> Ogen we gi kpari e,  
o kparigwarini we;  
ogen o gi ta afunfun,  
o nyanni isi n'o k'e me ihien owule.

Kama,  
o no we enwen e  
kwani Osolobue,  
onye hun a han ezigbo enen.

<sup>24</sup> Kraisti le enwen e gi ehụ a buru njo enyi, bu e shi elu obe osisi ahun, keni enyi gi ehụ a nwunnahin njo, gi ndun enyi mememe ihien Osolobue cho. Ehụ we rusonme e ke enyi gi nwe nzuori.

<sup>25</sup> Unu te ri a kpahu ke atunrun, kani onu e kinhenguwo nwan, buru onye hun e du ume-ndun unu rike anu, e cheme e.

## Isi Nke Ẹtọ

### *Di Le Nwunye*

<sup>1</sup> **Nwunye**, mezikwo erira. E humeni di i isi, keni, osuon'a ni o nwegho ndi di kwerileni oku Osolobue, e gi we omume nwunye we dobanhan we ime Osolobue—bu o nwonni oku we gwa we;

<sup>2</sup> makeni di i k'a ri a hun ke i don ri e bi ohunma, e gi egun Osolobue e bi.

<sup>3</sup> Anile ni mma unu wuru nke ehụ—mma icho ntutu mma le iyi goru le iyi ekwa ma mma.

<sup>4</sup> Ka nị nị mma ụnụ wụrụ hụn rị ime obi, mma ahun ghaleni a fafu—mma ime-juu le agungun omehen—hun rikenme mkpa enya Osolobue.

<sup>5</sup> Enina ke ikpoho rị nsọ hun gi Osolobue e don enya don cho enwen we mma mbu-mbu ghahani ihume ni ndi di we isi.

<sup>6</sup> Erira ke Sara don gbaye Ebrahim, a kpo a “nna-m.” Unu wu umu a ikpoho o mekwọ nị unu e mesonme ihien rị mma, nị unu anini egun ihien k'e meni unu kusị unu.

<sup>7</sup> **Ndi di**, erira k'o rizikwo ebe onu rị. Di, gi uche e son nwunye i—a nyanhan nị okpoho ka alulua a rị; e ye e ogho makeni o nwezikwo ndun ohun hun Osolobue e ye ofe ke yu nwen don nwe. E me ni enina make odakin owule gha a rị ekpere unu.

### *Ita Afunfun Makeni I Me Ihien Ri Mma*

<sup>8</sup> Nke ikpazuun, **unu ile**, a wu nị ohu ime mmọn; onodi ibe onu ya e metu unu; a nị nị ihien ibe unu a suo unu rike umune; e nwe ni obi alulua; e wenua nị enwen unu ali ime obi unu.

<sup>9</sup> Emegwarikwole ni ihian eje-ihien mobu kpo gwari we iyi. Hun nke unu e gi megwari we, gi ni ngozi ku we ugwo, makeni ngozi ke Osolobue kponi onu, iya k'o cho eka unu.

<sup>10</sup> Makeni Ehuho-nsọ si,  
 “Onye cho ndun,  
 onye cho nị elu e rị mma,  
 ya wefu eje-ihien ire e;  
 ya wepuzikwo oku-ndufie ugb'onu a.

<sup>11</sup> Ya gbakito eje-ihien azuun—  
 mesonme ihien rị mma;  
 ya choma udon,



chụsonmẹ ẹ.

<sup>12</sup> Makeni,  
 ẹn्या rị mma kẹ Di-nwōnni-ẹn्या e lee  
 ndi e mẹ ihien ọ cho,  
 ntin a rizikwo ekpere wẹ.  
 Kani,  
 eje-ẹn्या k'o lee  
 ndi e mẹ eje-ihien.”

<sup>13</sup> Onye k'a sa nwan eka mẹ unu ihien owule  
 omeni unu wu ndi e mẹ ihien rị mma?

<sup>14</sup> Kani, osuon'a ni unu ta afunfun makeni unu mẹ  
 ihien Osolobue cho, ya wu ni ndi Osolobue gozi kẹ  
 unu wu. Atule ni nwan egun wẹ; emehunmeme ni.

<sup>15</sup> Ka yechanrin ni Kraisti onodi run'e ime obi  
 unu nọkẹ Di-nwēni-unu, unu a kwademe ogen ile  
 ni onu a kowanị onye owule k'a ju unu ihien hain  
 unu gi nwon olile-ẹn्या unu nwe.

<sup>16</sup> Ka e gi ni nwayo le mgbaye e mẹ ẹ. E donme  
 ni obi unu ochan, keni ifenren mẹ ndi hun e kuto  
 omume oma unu rị e mẹ ime Kraisti.

<sup>17</sup> Makeni o ka mma ni ihian gi ifiri ihien rị mma  
 o mẹ ta afunfun, omeni uche Osolobue ro, kari ni  
 ihian gi ifiri eje-ihien o mẹ ta afunfun.

<sup>18</sup> Makeni, Kraisti gi ifiri njo tazikwo afunfun,  
 nwun; mgbe ohu k'o nwun, o nwunkozi, Onye  
 rị ochan hun nwunni ndi njo onwun—keni o hun  
 uzo wehe ẹn्या ile ebe Osolobue ri. Wẹ gbu ẹ, o  
 nwunhun kẹ ihian don a nwun, kani Chuku nọ mẹ  
 ẹ rị ndun ime-mmōn.

<sup>19</sup> Ogen o gi rị ime-mmōn, o nọ jen d'e zi ndi-mmōn  
 rị ime ngan ozi oma—

<sup>20</sup> ndi hun gileni oku-Chuku wẹ gwa wẹ don ogen  
 mbu, ogen mbu ahun Osolobue gi rị e din ndidi

e che; oḡen hụ Nua gi rị a tụn ụḡbọ-mirin hụ. Ndi wẹ gi ya wụ ụḡbọ-mirin zuọpuha ebuni oḡa, ya wụ, wẹ rị madu ẹsatọ sụọ; mirin ahun ke wẹ ghaha zuọpuha wẹ.

<sup>21</sup> Wẹ gi ọnwán gwato ẹnyi ke mirin-Chuku hun wẹ gha nwan a zuọpuha unu kikenni nọ. Eḡe ni w'e gi mirin-Chuku a wupu unyin rị ihian ẹhụ, kama, ihian gi ẹ a ghosị Osolobue nị o gi obi ẹ ile bia d'e kunrun ẹ. O zuọpuha unu makeḡi Jesu gha ọnwun lihi.

<sup>22</sup> Jesu Kristi a lashiguọ nwan elu-igwee; o noḡi nwan ẹka-nni Osolobue; ndi mmọn-ozii ile ẹ okiki ile ẹ iken ile rị nwan okpuru ẹ.

## Isi Nke Ẹnọ

### *Obibi Ndi Wẹ Gbehutoḡuu*

<sup>1</sup> Ebe o me ni Jizosị narin afunfun noke ihian, gun nị nwan agungun ohu hu o gun, unu e konrin ime obi onu. Makeḡi, onye gi ifiri Kraistị kpachanpu ẹnya narin afunfun ime ndunni a juguọ njo—

<sup>2</sup> a ra bizi n'o me ihien ndi hun a gun ihian, kama, o bi ndun a hoduni enu-ḡwa ke Chuku don cho.

<sup>3</sup> Oḡen unu tuhu oḡen mbu ebe unu rị e mesonme ihien ndi hun a sụọ ndi ghaleni e fe Chuku usuo e higuọ. Rike wẹ, unu te rị e bi obibi ifenren oḡen hu, eje-ihien a gunsomme unu; unu a ra manya a tu, e me eje-mmemme, e jen oḡbo manya, onu a rua mmọn onu a marinzi hun unu ruako.

<sup>4</sup> O tuka wẹ nwan ẹnya nị unu arizi e son wẹ e bi obibi ahun na iwi—wẹ hu e gi ẹ e kuja oku unu.

5 Kanị wẹ jenkọ d'e ye Osolobue mgbako—Osolobue hun ri nwan e che ni ogen ru n'o kin ndi ri ndun le ndi nwunni ikpe.

6 Onwan hain wẹ gi zizikwo ke ndi nwunni ozioma, keni wẹ hun uzọ ri ndun ime-mmọn ri ke Osolobue, osuon'a ni a naringuo wẹ ikpe-omuma, nwun ke ihian.

### *Kẹ Wẹ Dọn A Run Orun Osolobue*

7 Ihiẹn ile e d'e ru njendeme; e kwondon ni nwan enwen unu, a wu ndi ghaleni e gi okukwe wẹ e gu egu. E me n'e make odakin gha a ri ekpere unu.

8 Hun kacharin mkpa, e nwe ni ihiẹn-osusuọ ndi Itu-Kraist' ibe unu ogen ile, makeni ihiẹn-osusuọ e kpume njọ bu oda.

9 E gicharin ni obi unu a nabanhan ibe unu iwe unu—e denwinwinle ni.

10 Rike ezigbo ndi-nlepu enya, hun Osolobue meni efoma yesonme oyiye ichen-ichen, onye-onye ime unu ya gi oyiye o nwehen eka Osolobue e yeni ibe e eka.

11 Onye owule hun e kuni, ya ku ihiẹn Osolobue ku—ri ke onye Osolobue gi e ku; onye owule hun a run orun owule ya gi iken Osolobue ye e run a, keni ogho hun uzọ a bia ni Osolobue ime ihiẹn ile ghahani Jesu Kristi. Ogho le iken ile wu nke e jenin ejen. Isee.

### *Ita-afunfun Nọke Onye Nke Kraisti*

12 Ndi ri m obi, anikwole ni oken afunfunni unu ri a ta, hun wẹ gi ri e lele unu, tu unu enya nọke si ahunlele ro.

13 Ka ghoḡhoma ni, maḡeni unu ri e son Kraist' a ta afunfun a—keni unu hun uto nwe ighoḡho, e yi oro-ighoḡho oḡen oḡho a k'e gi puhachanrin ifon.

14 Omeni we gi ifiri Jesu Kristi kpari unu, onu a wuruole ndi Osolobue gozi, maḡeni ohun ghoḡi ni Mmon ahun nwe oḡho hun wu Mmon Osolobue nokwasị onu.

15 Ka emekwole ni ndi ri a ta afunfun make eje-ihien we me—make igbu-ochu mobu izu-ohin mobu maḡeni ihian wu eje-ihian le n'o me eje-ihien we gi a cho ihian mobu ni ihian a chosonme oku.

16 Kani, omeni y'a ta afunfun maḡeni i wu onye Itu-Kraisti, ewerile e ihien-ifenren, ka ja Osolobue mma n'i ri a za efan hu, n'i ri a za “Onye nke Kraisti.”

17 Maḡeni, oḡen e ruole hun okinkin-ikpe e gi bidon—bu o k'a gha ime ulo Osolobue bidon. O me nwan ni okinkin-ikpe k'a gha eka enyi ndi nke Osolobue bidon, kini ri e che ndi nupu ni ozioma Osolobue isi?

18 Ozozị,

“Omeni nzuopuha fu ndi ezi-omume orun nani k'o k'a ri ni ndi-njo le ndi ghaleni e fe Osolobue?!”

19 Ya wu, ndi hun ri a ta afunfun—udi afunfun hun wu uche Osolobue—we we nwan enwen we che eka Onye-okike hu hun furu w'e gi don enya; we mesonme mma.

## Isi Nke Isen

*Ndi-isi Uka Le Ndi We Keye We Lefu Enya*

1 M ri nwan a rijo ndi-isi ri ime unu—**m ri a rijo unu** noke onye-isi ibe unu le onye gi enya a hun

afunfun Kraistị ta lẹ onyẹ rị ndị k'e nwehẹn ogho ahun lalani: dodo ni,

<sup>2</sup> e lepụ ni atunrun Osolobue hun we buche unu eka enya; e du ni we. Arunle ni nọke si we wa a ye onu olu, ka shiapu ni efọ run a—nọke ke Osolobue don cho; egile ni ekpiri ihien unu k'e nwehẹn me e, ka me n'e makeni irun ni Osolobue orun ri a du onu.

<sup>3</sup> Emele ni ndi we keye unu lepụ enya nọke si unu nwe we; kama, a wuru ni ni we ihien-neri,

<sup>4</sup> keni, ogen Onye-isi ndi-ndu atunrun e gi bia, unu e nwehẹn okpu-eze ogho ahun ghaleni a fapu hun o k'e gi tu unu ugon.

<sup>5</sup> Erirazikwo, unu ndi ri ibe ali, ndi hoduni, e humeni ni ndi-isi isi.

Unu ile, e welua ni enwen unu ali ebe unu le ibe unu ri e me ihien. Makeni, Ehuhuo-nso si,

“Osolobue a nokin onye-mpache uzọ,

kani,

o me ni onye e welua enwen e ani efoma,  
e yen'e eka.”

<sup>6</sup> Ya wu, wenua ni nwan enwen unu ali che okpuru Osolobue hun nwe iken hi-ogbe—keni ogen ru, o bushi unu elu—

<sup>7</sup> unu e bu mkpa ile unu nwe kwasi a, makeni orinimma unu ri a obi.

<sup>8</sup> E donrin ni enya; e che ni nche—makeni enenren onu wu Ekwensu ri aghahunme nọke eworo ri e denni, a cho onye o k'a nwun ri.

<sup>9</sup> Chekenme n'e nwan ogun! E turukenme ni ime okukwe onu—ebe o me ni unu a maringho ni ndi Itu-Kraistị ibe unu ile ri uwa ri a tazi udi afunfun ohu hu.

<sup>10</sup> Kani, unu taguu afunfun ekere oge, Osolobue hun e mecharin efoma ile, hun kpọ unu d'e du e nwonrin ogho-itebite ahun ri ime Jizos' Kraisti, k'e donzicharin ni unu ihien, me unu turu, me unu ze, me unu nodicharin ohunma, obi e rucharin unu ali.

<sup>11</sup> Iken ile wu nke e jenin ejen! Isee.

### *Ekele Ikpazuu*

<sup>12</sup> Sivanosi\*, ya yeni m eka de ehuhuo-ozini me ekere; nwe ne enyi m weri n'o furu onye we gi e don enya k'o wu. M de e keni m gi e gba unu ume, gizi e ku ni onwan wu ezigbo efoma ahun Osolobue me ni ihian; turukeme ni ime e.

<sup>13</sup> Uka ahun ri Babilonu, hun we hori ke we don hori unu, e zigho ekele unu. Nwa m wu Maki e keleghozikwo onu.

<sup>14</sup> Dide ni ibe onu odide ihien-osusu.

Udon ya ri ni unu ile hun ri ime Jizos' Kraisti.

---

\* **Isi Nke Isen:12** Iya wu Saikasi.

## **Elu Ọhụn: Ekwọ-Nsọ (Azụn Ọhụn rịn'a) Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

### **Copyright Information**

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

### **The New Testament**

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files dated 29 Jan 2022

31b0248e-272a-5dee-8226-bcc00c54d9b1